



BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
MINISTARSTVO ZA OBRAZOVANJE, MLADE,
NAUKU, KULTURU I SPORT

BOSNIA AND HERZEGOVINA
FEDERATION OF BOSNIA AND HERZEGOVINA
BOSNIAN-PODRINJE CANTON GORAZDE
MINISTRY OF EDUCATION, YOUTH, SCIENCE,
CULTURE AND SPORT

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
БОСАНСКО-ПОДРИЊСКИ КАНТОН ГОРАЖДЕ
МИНИСТАРСТВО ЗА ОБРАЗОВАЊЕ, МЛАДЕ,
НАУКУ, КУЛТУРУ И СПОРТ

Broj: 10-11-2818-11/26
Goražde, 13.08.2026. godine

Na osnovu člana 70. Zakona o javnim nabavkama („Službeni glasnik BiH”, broj: 39/14 59/22 i 50/24), a na preporuku Komisije za provođenje postupka nabavke udžbenika za učenike prvog i drugog razreda osnovnih škola sa područja Bosansko – podrinjskog kantona Goražde, imenovane Rješenjem Ministarstva za obrazovanje, mlade, nauku, kulturu i sport Bosansko-podrinjskog kantona Goražde, 10-11-2818-3/26 od 24.07.2026. godine, Ministarstvo za obrazovanje, mlade, nauku, kulturu i sport Bosansko-podrinjskog kantona Goražde, **d o n o s i:**

O D L U K U

**o izboru najpovoljnijeg ponuđača za postupak nabavke udžbenika za učenike
prvog i drugog razreda osnovnih škola sa područja
Bosansko – podrinjskog kantona Goražde**

Član 1.

Prihvata se preporuka Komisije za provođenje postupka nabavke udžbenika za učenike prvog i drugog razreda osnovnih škola sa područja Bosansko – podrinjskog kantona Goražde utvrđena u Zapisnicima o pregledu i ocjeni ponuda, broj: 10-11-2818-9/26 od 13.08.2026. godine i broj: 10-11-2818-10/26 od 13.08.2026. godine, te za najpovoljnijeg ponuđača za nabavku udžbenika za učenike prvog i drugog razreda osnovnih škola sa područja Bosansko – podrinjskog kantona Goražde, bira se, kako slijedi:

LOT 1. – Bosanska knjiga d.o.o. Sarajevo sa Ponudom, broj: 131/26 od 24.07.2026. godine i ponuđenom cijenom od **12.084,75 KM**, bez PDV-a, kao najbolje ocijenjenom (jedna prijava).

LOT 2. – Bosanska knjiga d.o.o. Sarajevo sa Ponudom, broj: 132/26 od 24.07.2026. godine i ponuđenom cijenom od **18.156,60 KM**, bez PDV-a, kao najbolje ocijenjenom (jedna prijava).

Član 2.

Prijedlog ugovora dostaviće se na potpis izabranom ponuđaču po proteku roka od 15 /petnaest/ dana, računajući od dana kada svi ponuđači, koji su učestvovali u predmetnom postupku nabavke, budu obavješteni o izboru najpovoljnijeg ponuđača.

Član 3.

Odluka stupa na snagu danom objavljivanja na oglasnoj ploči Bosansko – podrinjskog kantona Goražde, a naknadno će se objaviti i u „Službenim novinama Bosansko-podrinjskog kantona Goražde“.

O B R A Z L O Ž E N J E

Predmetni postupak nabavke pokrenut je Odlukom Vlade Bosansko-podrinjskog kantona Goražde o davanju saglasnosti Ministarstvu za obrazovanje, mlade, nauku, kulturu i sport Bosansko-podrinjskog kantona Goražde na pokretanje postupka nabavke udžbenika za učenike prvog i drugog razreda osnovnih škola sa područja Bosansko – podrinjskog kantona Goražde, broj: 03-11-1779/26 od 23.07.2026. godine, te Odlukom Ministra za obrazovanje, mlade, nauku, kulturu i sport Bosansko-podrinjskog kantona Goražde o pokretanju postupka nabavke udžbenika za učenike prvog i drugog razreda osnovnih škola sa područja Bosansko – podrinjskog kantona Goražde, broj: 10-11-2818-2/26 od 24.07.2026. godine.

Procijenjena vrijednost nabavke iznosila je **30.253,66 KM** (bez uključenog PDV) i to za sljedeće lotove, kako slijedi:

- Procijenjena vrijednost za **LOT 1 iznosi 12.089,67 KM bez PDV-a.**
- Procijenjena vrijednost za **LOT 2 iznosi 18.163,99 KM bez PDV-a.**

Javna nabavka provedena je putem otvorenog postupka.

Obavještenje o nabavci, broj: 1326-1-1-15-3-6/26 objavljeno je na Portalu javnih nabavki dana 24.07.2026. godine.

Komisija za provođenje postupka nabavke udžbenika za učenike prvog i drugog razreda osnovnih škola sa područja Bosansko – podrinjskog kantona Goražde, imenovana Rješenjem Ministra za obrazovanje, mlade, nauku, kulturu i sport Bosansko-podrinjskog kantona Goražde, 10-11-2818-3/26 od 24.07.2026. godine, sačinila je Zapisnik o otvaranju ponuda, Zapisnik o prijemu, pregledu i ocjeni ponuda, kojima je preporučila način izbora najpovoljnijih ponuđača prema kriteriju za izbor najpovoljnije ponude, shodno odredbama člana 1. ove Odluke.

U postupku utvrđeno je da je Komisija blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike u kojima je utvrđeno sljedeće: da su zaprimljene/pristigle 2/dvije/ ponude i da su obje ponude prihvatljive.

Uzimajući u obzir naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU: Protiv ove Odluke može se uložiti žalba ugovornom organu u pisanoj formi, direktno, elektronskim putem ili preporučenom poštanskom pošiljkom, najkasnije u roku od 10 /deset/ dana od dana prijema ove Odluke.

DOSTAVLJENO:

1. Bosanska knjiga d.o.o. Sarajevo
Ul. Mehmeda Spahe broj 12., 71000 Sarajevo
2. Vladi BPK-a Goražde (Službena web stranica);
3. Vladi BPK-a Goražde ("Službene novine BPK-a Goražde") i
4. Evidenciji.-

